

01/e-50-1

Broj: 03/04-05-3-5/13
Sarajevo, 05.04.2013. godine

Stamp: BOSNA I HERCEGOVINA, PARLAMENTARNA SKUPŠTINA, SARAJEVO
Date: 09.04.2013
Registration number: 01-50-1-15-42/13

PARLAMENTARNA SKUPŠTINA BOSNE I HERCEGOVINE

Zastupnički dom

n/p gosp. Senadu Šepiću, zastupniku ✓
n/p gosp. Bojanu Ninkoviću, tajniku

Predmet: Odgovor na zastupničko pitanje

Poštovani,

U privitku akta, dostavljam Vam odgovor Federalnog ministarstva prostornog uređenja na zastupničko pitanje, koje je na 42. sjednici Zastupničkog doma Parlamentarne skupštine Bosne i Hercegovine, postavio zastupnik Senad Šepić.

S poštovanjem,

SEKRETAR VLADE
Edita Kalajdžić

Broj: 02-23-1-394/13 F.Š. -2
Sarajevo, 28.04.2013. godine

VLADA FEDERACIJE BOSNE I HERCEGOVINE
N.r. Edita Kalajdžić, Sekretar Vlade
Sarajevo, Alipašina br.41

FEDER

GOVINE

3.4.2013	
Urednik	Broj
03/04-05-3-5/2013	1898

Predmet : Odgovor na zastupničko pitanje

Veza akt Vlade Federacije BiH broj 03/04-05-3-5/13 od 21.03.2013. godine

Poštovana,

Na osnovu akta Vlade Federacije BiH broj 03/04-05-3-5/13 od 21.03.2013. godine koji se odnosi na pitanje koje je na 42. sjednici Zastupničkog doma Parlamentarne skupštine BiH, postavio zastupnik Senad Šepić, dostavljamo Vam odgovor kako slijedi :

1. Prostorni plan Federacije BiH za period od 2008. do 2028. godine je u fazi prijedloga, isti je utvrđen na Vladi Federacije BiH i pripremljen za slanje Parlamentu Federacije BiH na donošenje.

Koridor brze ceste na području USK-a koji je planiran u Prijedlogu Prostornog plana Federacije BiH, prolazi odnosno tangira slijedeće Općinske centre : Ključ, Sanski Most, Bosanska Krupa, Bihać, iz Bihaća krak ove ceste ide prema graničnom prijelazu Izačić a drugi krak prema Cazinu odnosno graničnom prijelazu Velika Kladuša. Općinski Centri Bosanski Petrovac i Bužim se na navedenu brzu cestu spajaju preko postojećih ili planiranih magistralnih cesta.

Prema procjeni koja se odnosi na broj stanovnika za 2008. godinu planirana brza cesta na području USK-a tangira, odnosno neposredno povezuje cca 262 430 stanovnika (6 općina), a posredno 287 998 stanovnika (8 općina).

2. Koridor brze ceste na području USK-a je razmatran kroz sve faze izrade plana (Prostorna osnova, Nacrt i Prijedlog plana). Kroz učešće javnosti i javnu raspravu organiziranu u kantonalnim centrima, te centralnu javnu raspravu u Sarajevu, analizirane su sve primjedbe, sugestije i prijedlozi na plansko rješenje ove brze ceste.

Zahtjevi za promjenu predloženog koridora brze ceste na području USK-a su podnošeni od strane Kantonalnog ministarstva za građenje, prostorno uređenje i zaštitu okoline USK-a u smislu produženje kraka brze ceste od Bihaća prema graničnom prijelazu Izačić, što je prihvaćeno i ugrađeno u prijedlog plana. Mišljenje Skupštine Unsko-Sanskog kantona na prijedlog ovog plana je da se ugrade primjedbe lokalnih zajednica, što je ugrađeno u prijedlog ovog plana i na ovaj način su zadovoljeni interesi svih općina na području Unsko-Sanskog kantona, Federacije BiH i BiH. Ministarstvu je dostavljen zahtjev Premijera USK-a, dr.sc. Hamdije Lipovače, da se izmjeni koridor brze ceste na području USK-a, odnosno da se isti planira pravcem Ključ – Bosanski Petrovac – Bihać – Granični prijelaz Izačić, sa obrazloženjem da se na najkraći i najbrži način poveže sa glavnim

gradom BiH i Hrvatskom, odnosno Europskom Unijom. Prijedlog nije prihvaćen iz razloga što je **ista** dužina koridora brze ceste preko Sanskog Mosta i Bosanske Krupe kao i dužina koridora brze ceste preko ~~Bosanskog~~ Petrovca. Međutim svi ostali kriteriji su na strani planskog rješenja preko Sanskom Mosta i Bosanske Krupe.

Krak brze ceste je planiran prema graničnom prijelazu Izačić i time je Bihać najkraće povezan sa Hrvatskom, odnosno Europskom Unijom, međutim krak brze ceste ide i prema Velikoj Kladaši. Planirani krak brze ceste prema Velikoj Kladaši ne smanjuje funkcionalno važnost graničnog prijelaza Izačić, jer će BiH ući u Europsku uniju u narednih 5-10 godina, ovisno o brzini ispunjavanja postavljenih uslova, i u tom periodu će granični prijelaz Izačić biti u funkciji u punom kapacitetu, odnosno planirani granični prijelaz u Velikoj Kladaši mu neće biti konkurencija, zato što ulaskom u Europsku uniju prestaje kontrola na graničnim prijelazima BiH prema Europskoj uniji.

Drugi važni argumenti su da je od Velike Kladaše najkraća veza (cca 40 km) prema Autocesti u Karlovcu, što otvara najbolju stratešku poziciju BiH za pregovore sa Hrvatskom i povezivanje na Autocestu u Karlovcu, jer slijedi izmjena Strategije prostornog uređenja Hrvatske 2015. godine. Hrvatska ne planira izgradnju saobraćajnice tipa brze ceste ili autoceste na potezu od Slunj - Rakovica - Drežnik - Ličko Petrovo Selo, zbog Nacionalnog parka Plitvička jezera, odnosno na ovoj relaciji se zadržava rang magistralne ceste (državne ceste).

3. Kada se govori o opravdanosti izgradnji brze ceste na području USK-a i alternativama istoj, ona proizilazi iz Strategije razvoja autocesta i brzih cesta Federacije BiH koju je donijela Vlada Federacije BiH. U navedenoj strategiji se navodi da svi kantonalni centri u Federaciji BiH, koji imaju preko 100 000 stanovnika, trebaju biti povezani autocestom, dok centri koji imaju manje od 100 000 stanovnika, trebaju biti povezani brzom cestom sa glavnim gradom BiH. Implementirajući navedenu strategiju u Prijedlog Prostornog plana Federacije BiH planirana je brza cesta Lašva - Travnik - Donji Vakuf - Jajce - Mrkonjić grad (veza prema Banja Luci) - Ključ - Sanski Most - Bosanska Krupa - Bihać (krak prema Izačiću i Velikoj Kladaši).

MINISTAR


mr.sc. Desnica Radivojević

Dostaviti :

1. Naslovu
2. Evidenciji
3. Arhivi



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-563/13
Sarajevo, 8.5.2013. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 09-05-2013			
Organizaciona jedinica	Klasifikaciona oznaka	Redni broj	Broj prijema
01-50-1-563/13			

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 49. sjednici održanoj 8.5.2013. godine, utvrdilo je Odgovor na zastupničko pitanje koje je postavio Senad Šepić, zastupnik u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja zastupniku.

S poštovanjem,

GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-563/13
Sarajevo, 8.5.2013. godine

Senad Šepić, poslanik u Predstavničkom domu Parlamentarne skupštine Bosne i Hercegovine, na 42. sjednici Predstavničkog doma, održanoj 14. februara 2013. godine postavio je sljedeće poslaničko pitanje:

„Molim informaciju o uspostavljanju i funkcionisanju sistema informacija o tržištu koji bi trebao davati relevantne, tačne i pravovremene informacije korisnicima poljoprivrednog tržišta i donosiocima politika u cijeloj Bosni i Hercegovini, što treba dovesti do ekspanzije poljoprivredne trgovine unutar države, povećanja profitabilnosti, proizvodnje i prihoda farmi.“

Na postavljeno poslaničko pitanje, Savjet ministara Bosne i Hercegovine je na 49. sjednici održanoj 8. 5. 2013. godine, utvrdio sljedeći

ODGOVOR

Ministarstvo spoljne trgovine i ekonomskih odnosa BiH (MSTEO BiH), u saradnji sa nadležnim organima entiteta i BD BiH, uspostavlja Poljoprivredni tržišni informacioni servis (PTIS). Poljoprivredni tržišni informacioni servis predstavlja javni servis za redovno prikupljanje, obrađivanje i objavljivanje informacija o količinama i cijenama poljoprivrednih i prehrambenih proizvoda na bosanskohercegovačkom tržištu. PTIS kao javni servis će pružiti redovne informacije o cijenama i druge tržišne informacije interesnim grupama u sektoru poljoprivrede BiH. Uspostavljanjem PTIS-a omogućiće se regionalno poređenje cijena, obezbijediti veći stepen transparentnosti u nivou cijena roba na domaćem tržištu i ocijeniti konkurentnost BiH u regionu.

Uspostavljanje i razvoj PTIS-a definisano je članom 17. (Poljoprivredni tržišni informacioni servis) Zakona o poljoprivredi, prehrani, i ruralnom razvoju Bosne i Hercegovine („Službeni glasnik BiH“, broj 50/08). Zadaci PTIS-a, struktura servisa kao i nadležnosti i obaveze MSTEO, entitetskih organa i Brčko Distrikta propisani su Odlukom o uspostavljanju Poljoprivrednog tržišnog informacionog servisa (PTIS-a).

MSTEO BiH je u februaru 2009.godine formiralo Radnu grupu za uspostavljanje PTIS-a koju čine predstavnici entitetskih ministarstava poljoprivrede, Odjeljenje za poljoprivrede Brčko Distrikta, Federalnog zavoda za poljoprivrede Sarajevo, Poljoprivrednog instituta Banja Luka, Agencije za pružanje savjetodavnih usluga u poljoprivrede RS i MSTEO. Radna grupa je formirana sa zadatkom da:

- predloži model i organizaciju Poljoprivrednog tržišnog informacionog servisa Bosne i Hercegovine;
- predloži reprezentativna tržišta za poljoprivredne i prehrambene proizvode, vrste poljoprivrednih i prehrambenih proizvoda, na osnovu ekonomskog i finansijskog značaja robe u domaćoj i spoljnoj trgovini BiH, o kojima će se izvještavati;

- predloži izvore javnih i privatnih informacija koje će biti unesene u PTIS;
- predlaži vrstu i obim, te učestalost dostavljanja, prikupljanja i objavljivanja podataka.

Tokom 2009 i 2010. godine Radna grupa za PTIS je realizovala navedene zadatke i identifikovala dva ograničenja za uspostavljanje i razvoj PTIS-a u BiH. Prvo ograničenje vezano je za nedostatak operativnih Stručnih savjetodavnih službi u FBiH preko kojih je operativni dio sistema u većini zemalja organizovan. Drugi problem odnosi se na nedostatak finansijskih sredstava na državnom i entitetskom nivou za uspostavljanje i održavanje ovog servisa.

U cilju prevazilaženja pomenutih ograničenja u sklopu procesa IPA programiranja za 2009. godinu MSTEО BiH je kandidovao projekt „Podrška za razvoj Poljoprivrednog tržišnog informacionog sistema i Sistema identifikacije zemljišnih parcela“ čije je implementacija trebala početi u 2011.godini. Projektom je planirano da se uspostavi i razvije početna faza PTIS-a i da servis postane funkcionalan u 2012. godini, s tim što će daljnje aktivnosti razvoja i uspostavljanje cjelokupnog sistema nastaviti entitetskih ministarstva, Odjeljenje za poljoprivredu Brčko Distrikta i MSTEО BiH. Obzirom da korisnici navedenog projekta nisu uspjeli da postignu saglasnost u vezi ključnih aspekata za njegovu implementaciju Delegacija Evropske unije je otkazala ovu tehničku pomoć Bosni i Hercegovini, a predviđena sredstva preusmjerila u druge oblasti.

Privatna kompanija Agrolink u BiH je razvila Sistem informacija o veleprodajnim cijenama poljoprivrednih proizvoda koji se prikupljaju sa četiri najveće veletržnice u Bosni i Hercegovini, ali je dostupnost podacima komercijalna. Iako ovaj sistem postoji, on nije razvijen u skladu sa zahtjevima Evropske unije, te samim tim ni od strane ključnih korisnika, prvenstveno entitetskih ministarstava poljoprivrede i MSTEО BiH, i nije prepoznat kao relevantan izvor informacija koje bi bile koristene za kreiranje entitetskih poljoprivrednih politika i donošenje odluka u bh sektoru poljoprivrede.

Trenutno se u BiH od strane nadležnih organa državnog i entitetskog nivoa ne sprovode aktivnosti na uspostavljanju i razvoju PTIS-a zbog nedostatka finansijskih sredstava i ljudskih kapaciteta koji bi radili na realizaciji ove aktivnosti. Imajući u vidu da BiH u kontekstu pristupanja Evropskoj uniji ima obavezu da razvije sistem praćenja tržišta, odnosno kretanje cijena poljoprivredno prehrambenih proizvoda, neophodno je osigurati finansijska sredstva potrebna za uspostavljanje i razvoj PTIS-a u BiH.



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-564/13
Sarajevo, 26.3.2013. godine

BOSNA I HERCEGOVINA
VIJEĆE MINISTARA
SARAJEVO

27-03-2013

01-50-1-15-42 / B
01-50-15-225/13

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničku inicijativu – dostavlja se

Vijeće ministara Bosne i Hercegovine, na 43. sjednici održanoj 26.3.2013. godine, utvrdilo je Odgovor na zastupničku inicijativu koju je uputio Senad Šepić, zastupnik u Zastupničkom domu Parlamentarne skupštine Bosne i Hercegovine.

U pravitku prosljeđujemo Odgovor radi njegovog dostavljanja zastupniku.

S poštovanjem,

GENERALNI TAJNIK
Zvonimir Kutleša





**BOSNA I HERCEGOVINA
VIJEĆE MINISTARA**

Broj: 05-50-1-564/13
Sarajevo, 26.3.2013. godine

Senad Šepić, poslanik u Predstavničkom domu Parlamentarne skupštine Bosne i Hercegovine, na 42. sjednici Predstavničkog doma održanoj 14.2.2013. godine, uputio je sljedeću inicijativu:

“Predlažem da Vijeće ministara Bosne i Hercegovine pripremi i Parlamentarnoj skupštini Bosne i Hercegovine dostavi pravni okvir za regulisanje akreditacije tijela za procjenu usklađenosti u oblastima akreditacije medicinskih laboratorija, akreditacije u oblasti zaštite okoliša, te akreditacije u oblasti veterinarstva i fitosanitarnih službi u Bosni i Hercegovini za kontrolu životinjskog i biljnog zdravlja i sigurnost hrane, te certificiranje zaposlenih i obučavanja zaposlenih za realizaciju ovih aktivnosti.”

Na postavljenu inicijativu Vijeće ministara Bosne i Hercegovine je na 43. sjednici održanoj 26.3.2013. godine, utvrdilo sljedeći

ODGOVOR

Pravni osnov čine dva zakona:

- Zakon o akreditiranju Bosne i Hercegovine (“Službeni glasnik BiH”, broj 19/01);
- Zakon o osnivanju Instituta za akreditiranje BiH (“Službeni glasnik BiH”, broj 10/02).

Zakonom o akreditiranju Bosne i Hercegovine definira se politika i Sistem akreditiranja BiH, a Zakonom o osnivanju Instituta za akreditiranje BiH, Institutu je dato da provodi Sistem akreditiranja BiH, uređuje njegov položaj, nadležnost ovlaštenja kao i druga pitanja od značaja za organizaciju, funkcioniranje i rad BATA-e.

Zatim, Uredbom (EZ) br. 765/2008 Evropskog Parlamenta i Savjeta od 9. jula 2008. godine propisuju se zahtjevi za akreditaciju i tržišni nadzor u vezi sa trgovanjem proizvodima. Ova Uredba treba da obezbijedi priznavanje jedinstvene organizacije na evropskom nivou kada se radi o određenim funkcijama u oblasti akreditacije. Ista se primjenjuje od 1. januara 2010. godine.

Također, sva akreditaciona tijela u svijetu provode aktivnosti u skladu sa međunarodnim standardom ISO/IEC 17011 *Ocjenjivanje usklađenosti – Opšti zahtjevi za akreditaciona tijela koja akredituju tijela za ocjenjivanje usklađenosti.*

Napominjemo, da je Institut za akreditiranje BiH – BATA uspostavio svoj sistem rada prema navedenim dokumentima, podnio aplikaciju za potpisivanje (BLA) bilateralnog sporazuma sa EA (Evropskom akreditacijom), pozitivno ocjenjen od EA – tima i potpisao BLA sa EA.

Ukratko, značaj ovog sporazuma je da izvještaji o ispitivanju, certifikati o kalibrisanju i izvještaji o inspekciji izdati od tijela akreditiranih od BATA - e vrijede u cijelom svijetu.